

山東通志

卷十一之十四

內閣文庫			
番號	漢	3969	
冊數	692 (302)		
函號	291	97	

庫文閣內			
三九二	三九六	漢	番
一	六九二	冊	
架	冊	號	額
(三〇三)			



東通志卷之十一

關里志八

國朝藝文

淺草文庫

奏崇聖賢疏

順治元年

山東方大猷
巡撫

為崇聖賢以培人材事伏惟

先師孔子為萬世道統之宗

本朝開國之初一代綱常培植於此理應

勅官崇祀

復衍聖公併四氏學博等之封可卜國脉靈長人文蔚

起謹詳列歷朝恩典以備採倣而行一公爵孔子嫡孫則承

大爵自秦始皇始封孔鮒為文通君歷代封爵不一至宋仁

宗始封為衍聖公歷金元至明洪武二年仍封為衍聖公賜

正一品服色麟袍玉帶三臺銀印一顆列文武班首歷傳至今自天啓二年又晉階太子太傅襲封衍聖公一衍聖公長子至十五歲襲授欽依冠服二品服色至崇禎年間各公侯伯長子俱加玉帶事例相同一博士衍聖公長子則承大爵次子至十五歲則授以世職翰林院五經博士以主子思子祀事三子則襲太常寺博士主汶上縣聖澤書院祀事每隨一代公爵遞爲更授一曲阜縣知縣孔氏世職其官先由衍聖公保舉賢能孔氏任事後改考選廩膳生員德行兼優者以授此職五年任滿照例考選升轉一四氏學學錄其官亦自孔姓生員中德行兼懋者由衍聖公遴選咨部以授此職

一尼山書院乃孔子發祥之地設學錄一員以主其祀其官係衍聖公弟姪中選德行兼異者咨部授職一洙泗書院乃孔子闡教之地亦設學錄一員以主其祀其官於孔氏中選舉德行秀異者由衍聖公咨部授職一衍聖公屬官員役明洪武元年欽設管勾一員司五屯錢糧司樂官一員司樂舞生典籍一員司禮生書籍掌書一名司文移書寫一名司繕寫知印一名司印務奏差一名司差遣以上俱由本府保舉堪用人數咨部銓用一屯田孔廟祀田歷代各有欽賜至明洪武二年欽賜祭田貳千大頃坐落充屬二十七處其界段數載在闕里誌可攷一佃戶凡孔廟鄆城鉅野平陽東阿獨

山五屯佃戶係洪武二年欽撥民間身家無過俊秀五百戶
奏人二千丁見丁百畝佃種五屯祭田辦納籽粒以供本廟
祭祀等項支用其民間一應雜泛差役俱行蠲免一廟戶孔
廟戶丁歷代欽撥不一自明洪武二年欽撥民間俊秀子弟
一百一十五戶以供本廟灑掃一樂舞生孔廟每年四時祭
祀樂用八佾額設樂舞生二百四十名於充屬二十七州縣
遴選民間俊秀子弟以授斯役其本生一應差徭與廩膳生
員事例一體優免仍免本戶人二丁以供本生往返盤費一
禮生孔廟禮生每月朔望及四時祭祀在本廟引讚禮儀額
設禮生六十名於曲阜縣選用民間俊秀子弟以授斯役其
優免例與樂舞生同順治元年九月初四日奉
令旨先聖爲萬世道統之宗禮當崇祀昭朝廷尊師重道至意
本內所開各款俱應相沿期於優渥以成盛典著該部查照
一體飭行經部議覆於十月初二日奉

旨准行

敬陳孔廟事宜疏

順治二年

禮科
給事 龔鼎孳

近該國子監祭酒

臣李 若琳

等奏爲

先師之牌位宜肅等事奉

聖旨

先師諡號信宜尊崇著詳稽往例確議具奏新牌就本監制造

如議行禮工部知道欽此仰見

聖明崇儒重道詳慎周至如此也

臣

備員禮垣職掌攸繫安敢無

說而處此謹按孔子刪定六經垂教千古德侔天地功竝日月學者宗之比於罔極生民以來夙乎未有惟德盛則享名宜隆惟功高則食報宜厚自古聖帝明王教育海內未嘗不以崇祀先聖爲兢兢也考周敬王四十二年魯哀公誅孔子曰尼父漢平帝元始元年追諡孔子曰褒成宣尼公東漢和帝四年封孔子爲褒尊侯北魏孝文帝太和十六年改諡孔子爲文聖尼父後周靜帝大象十二年封孔子爲鄒國公隋文帝贈孔子爲先師尼父唐太宗貞觀二年尊孔子爲宣尼

父高宗顯慶二年復尊孔子爲先師乾封三年追贈孔子爲太師天授元年封孔子爲隆道公元宗開元二十七年追諡孔子爲文宣王宋真宗大中祥符元年加諡孔子爲元聖文宣王五年改封爲至聖文宣王元武宗大德十一年加封孔子爲大成至聖文宣王明洪武初年爵諡一仍元舊至嘉靖九年始從大學士張璁之請改稱至聖先師孔子夫無位而奉以王號吳澄已有懼得罪聖人之文塑像而被以冕章邱濬亦謂非神而明之之義璁之易改不爲無見但易王而師可矣因稱師而遂削其大成文宣之號可乎易塑像而木主可矣因木主而并殺其侑舞籩豆之數可乎此先臣王世貞

所以致嘆於輔臣禮官曲加迎附天下後世不免有所竊見而愾然倡光復之論也今者

聖明御宇一道同風禮樂咸興文謨丕顯不亟乘此時有所釐正

以示萬代之法程母論大典所未光是亦

臣

等誦法孔子者

之罪矣謹就祭酒

臣若琳

等所請而稍抒一得以備叅稽可

乎其謂先師牌位宜仍定爲大成至聖文宣先師孔子此誠至當不易之論無俟臣言按諡法經緯天地曰文聖善周聞曰宣而當日張璪持議則謂宣之一字於諡爲輕不足盡聖人之德夫諡之爲言舉一端而全體備旣聖善已著大凡何至槩抹前人目爲荒誕故謂宣輕而思有增益焉可也因議

宣而槩爲削斥焉不可也此所當確議者也侑舞益而八簋豆益而十二雖曰天子禮樂乎然旣素王奉之矣德足配天則不可以位限况聖功大於堯舜者哉且成均者天子釋菜尊師之地也以天子自尊其師而用天子之禮樂誰曰不宜先朝憲孝二宗與賢臣王恕周洪謨等考據增加有由來矣當時議減者誠近偏畸及今追復焉何疑僭濫此所當確議者也大成殿額更爲先師廟意存簡樸實匪舊章幾令峻極之宮牆不得與梵寺琳宮竝稱比美紳衿之士入駿奔而出瞻仰能無色沮心慙乎矧廟者統詞也殿則棲神之所也譬之堂焉室焉各有其處殿之不可稱廟猶夫室之不可稱堂

也焉得而淆之故大成殿名之不可不復蓋舊章也此所當確議者也從祀諸賢遠不具論若宋元以來人品醇疵了然在人耳目稍辨黑白者能知之嘉靖中登歐陽脩而遺范仲淹先臣王世貞以爲餘憾其謂仲淹力振綱常首扶神器兼於戎馬倥偬之際以中庸誨引張載俾成大儒彬彬乎歐陽子之右矣夫生爲名臣表章聖道而後乃寂焉不得分芹俎之末光事理不平孰甚於此者至如元標禮樂實無可譏以之從祀黷宮允與四配媲美伏乞

皇上下

臣

章令諸

臣

博議如芻蕘可採一併覆議施行蓋今日教胄子於虎闥羽籥管絃聿新園橋之聽睹異時拔名卿於髦

士衣冠人物共襄一代之治平皆先聖先賢之所馮依而亦

聖子神孫之所取法者也

臣

雖闔陋竊幸其區區之愚抒誠具

奏至如衍聖公來朝

京師宜加優禮以示隆重闕里之廟庭禮器宜

勅諭所司以時脩飾用肅觀型是則

聖明自有曠恩而非微

臣

所敢贅矣

聖駕臨幸闕里恭紀

聖恩詩一百韻

康熙二十三年

衍聖公

孔毓圻

文治高千古

神功冠百王
昭回儲玉斗
廣運叶珠囊

鴻業方頻廓丕基卜永臧威弧除獫狁戰艦靖鯨鱣

德比天中盛

恩流海外滂車書同朔漠侯尉過氏羌瑞獸馴靈囿珍禽獻越裳
馬牛弛服馭琛賚競梯航至化從箕畢休徵備雨暘巍巍難
可竝蕩蕩莫能詳沐浴

皇風暢謳歌

帝力忘邳隆看已治

軫念尙如傷肝食恒無逸宵衣每不遑量元齊覆載手自致安
攘濬哲謙彌著欽明抑愈彰右文窮學海稽古發書倉遜志
期終始虛懷樂就將拜言宗夏姒主善法殷商洙泗儒風在

春秋教澤長麟書先紀瑞虹玉晚徵祥汲汲恒忘老棲棲竟
舍藏漫占龍德隱寧問鳳歌狂吾道雖云否斯文幸未亡六
經昏室燭一貫濟川梁運啓千年

聖心符數仞牆遂煩

天子駕遠過

素王鄉拜洛堪輝映遊河庶頡頏

巡行時正泰順動月逢陽馳道霓旌出期門羽衛強夔龍爭扈
從褒鄂効勛勳繡陌三驅遠銀河一帶杭恬波憑竹箭阜俗
勸農桑歷域勾吳徧

迴鑾泰岱旁

六龍彫玉轡八馬赭絲韁

帳殿榮光護

帷宮瑞靄翔清流經汶濟碧嶂指尼防典禮咨宗伯威儀飭奉
常先期虔滌濯經月肄筮簣企望卿雲近遙占湛露灑和風
冬暍曖晴旭曉蒼涼菑舊金根動葳蕤繡幃張虎賁黃袴褶
豹尾綠沉槍會弁蟠璣燦華翎孔翠揚兆民欣抃舞五氏競
趨蹌鷺序班初合葱珩佩有琚

豫遊行緩緩

宸眷喜洋洋夙戒棲神宇脩誠候

帝聞闕宮晨乍啓庭燎夜相望月轉觚稜黑烟籠玉碣蒼導從門

左个位設殿中央穆穆

天容泰安安

帝度莊元臣鳴劍珮髦士奉圭璋奕禋尊疊古千秋俎豆香音容
瞻對近左右駿奔忙信以蘋蘩薦馨傳錡釜湘牲牲昭博碩
黍稷告豐穰律應雲門奏聲和嶰谷篴貫珠成翕繹拊石協
鏗鏘綴兆舒還疾麾幢偃復抗金卮浮桂醕玉瓚酌椒漿大
祝陳嘉幣司筵薦吉璜初行

九拜禮式煥兩楹光象設旋披握龍蹲儼在牀畫圖環轍蹟琬
琰撫牆匡

曠典崇師表隆規邁漢唐

山東通志
卷之二十一
寶附傳結構銀榜倍煒煌

恩撒鈎陳仗榮畱曲蓋黃每教逢盟薦長許侑烝嘗更

御經筵座還升詩禮堂明新歸至善爰象本乾剛

巽命何諄切臣心倍悚惶遺蹤承

顧問敷奏指微茫老檜如金鐵孤根耐雪霜泉餘寒井渫杏傍
古壇芳漆簡畱殘壁丹書缺閉房豐碑羅巔巔傑閣秘縹緗
仰被

龍光渥重臨馬鬣荒已叨紆日馭更荷酹霞觥俯仰公西誌徘徊
端木場靈著枝見采芳草蔓經量林內禽知避亭邊楷不偃
欂檀分幾種翠柏擁千章叢少豺狼穴衣無棘刺妨

一人迴顧盼萬彙盡殷昌忝主東家鬯頻膺

北闕慶遭逢真不世

優渥愧難當

褒寵松筠節輝騰綽楔坊

頒詩追雅頌

賜賦陋班揚乍捧豐貂笥兼承獸錦筐精鏐天地寶秘簡日星

芒子姓蒙

甄錄蒐羅到桷桷蠲租先下

詔擴地旋除糧頌溢奎婁野

恩覃上下庠涓埃何以報

高厚固難償芹獻同田父葵傾祝我

皇綿綿增

寶曆秩秩衍

銀潢卦定呈龍馬巢應下鳳凰太和盈宇宙景運屬

明良願泛千春酒恭稱萬歲觴謠吟歌有截舞蹈誦無疆

扈從

聖駕釋奠闕里兼

幸孔林恭紀百韻

康熙二十三年

大學士 王 熙

帝德開堯舜王風懋禹湯淵源歸孔子統緒屬

今皇百代心符契千秋道頡頏

臨雍隆典禮講學肅冠裳寤寐親賢哲甄陶徧黨庠覃敷文教
遠赫濯武功張參贊通三極含弘暨八荒醴泉流浩浩膏露
降灑灑圃已遊麟鳳郊真絕虎狼會朝班玉瑞垂拱握珠囊
泰運占方永乾行本自強學惟明體用理必晰毫芒地衍龜
龍數天騰奎壁光鏡圖歸掌握山海盡梯航中澤無鴻雁平
疇裕積倉照臨儼有赫咻噢視如傷效順徵河岳隨時若雨
暘蠲租仁自遠解網澤何長風動羣從欲陽和立起僵貞符
逢甲子元會際陶唐九月宜秋狩函風正築場康衢馳鳳輦
飛騎躍龍驤先問齊吳俗旋臨鄒魯鄉省耕歌夏后時邁歷
周疆泰岱遙重接龜蒙近可望青邱曾誌祀絳節更廻翔親

聖觀車履嚴師樹表坊物章存掌故考核俾精詳集議咨宗
伯先期遣奉常樂教曲阜習衣自辟雍將

宸斷超前古尊崇極帝王遵途經費邑覽勝憇林塘杖履如親炙
川原未渺茫漣漪昭大道臨眺煥

宸章肆覲隨

行在恭迎側路傍上公深儼恪萬姓競歡康列幕周環衛齋宮敞
御牀分曹儀制備序事駿奔忙曉漏籌初唱宵衣夜未央紅雲紛
繚繞黃屋獨高昂

玉趾行中道金貂翼兩廂升階容漆漆承祭氣洋洋彩碧輝廊廡
丹青畫棟梁巍峩聯象緯陟降見羹牆我

后惟恭默千官共濟蹕祝辭親致奠綴兆儼成行桐簾懸鐘鼓彤
鹽間豆觴塤篪兼鳳管琴瑟竝笙簧燭影明於晝爐烟細不
颺迎神先奏曲奠帛早承筐此日芹爲菜當年食必薑牲牷
羅鼎實酒醴挹神漿彫纘陳筵几薌蕕進稻梁具籩盛棗栗
秉籥舞簪簋醢鹿常爲脯橐魚欲勝魴諸賢洵紹統啓聖實
開祥殷祀欣同舉褒崇可共當精誠交冥漠明德薦馨香祖
烈須揚大孫謀貴用臧承前誰接武考業孰盈絀爰歷奎文
閣來登詩禮堂談經詳格致闡易辨陰陽

天語何諄篤家聲在熾昌存心宜勿替敦行有餘慶劍佩容猶昨
琴書澤未亡循牆心自切懷古意難忘行教圖傳賜雲雷制

山東通志 卷之十一
本商額題師表燦蓋拂廟庭黃有地壇名杏無枝檜似銅靈
根關氣運

天賦重琳琅古石苔斑駁唐槐肆遠揚摩碑知米芾聞教憶陳亢
複壁藏皆出寒泉汲獨嘗登堂思慨慕拜墓益齋莊樹撫欒
檀老花摹花草芳叢著符易數奇木植諸芳華表寧歸鶴端
門定集鳳禽蟲咸感格荆棘絕披猖瀆伏流穿濟山紆翠帶
防儒風興奕世大義重三綱博物知萍實先幾辨土羊轍常
環海內道自任行藏彬郁從周禮裁成抑魯狂筆真嚴斧鉞
歌豈棄滄浪漢祀恒相襲秦灰總不妨賞心時至止撫景越
相狎增城餘千畝題詩爛七襄

賜書篇鄭重頒錦色輝煌爵秩

恩加厚松筠操比霜一門邀

寵錫四野樂倉箱漢代嗤分肉齊侯陋發棠觀光欣藹藹受福詠
穰穰廣運原無外高深豈易量旦明嚴對越扈從愧劬勩瞻
仰茲何幸趨承恐未遑有懷時抑抑待

命實惶惶夙凜心如水還期道勝剛誕登今在望灑掃志初償書

已先呈洛星看早聚房小臣慙獻頌拜手慶元良

上幸闕里釋奠恭紀

戶部
尚書 梁清標

元后敷文治貞符啓泰年光華凝景慶聲教匝垓埏理契軒圖始
心參矧範先執中

皇建極合撰

聖希天絕學留洙泗餘音被管絃累朝陳俎豆六代備宮縣遺澤

涵終古

宸脩叶自然

駕從丹陛發

詔有紫泥傳特舉巡方禮

親臨釋奠筵風雷環柱杌雲日絢山川戒事多齊稷齋居致吉蠲

舞人張羽葆肉吏薦珍籩酒泛三重酎香浮百和煙羹墻神

貺接

綸綍國恩編別貯金莖瑤頻頒玉府錢殊榮流後裔曠典及前賢

講席垂清問園橋領秘詮紱麟徵舊蹟鬣馬展新阡汎掃皆除

賦陪敦更錫田八荒同律度萬彙入陶甄

睿藻星辰麗

鴻章琬琰鐫

鑾輿欣出震

龍德喜乘乾海岱高深並

君師道法全名言誠不易徒此測蠡淵

聖駕幸闕里頌

有序

戶部
尚書
陳廷敬

康熙歲甲子

皇帝臨位二十有三年海寓寧和黔黎輯乂仁聲布流旁暢域外

肅肅雍雍咸稱

聖意於是三事大夫颺言曰昔者刻玉遊河披圖巡維襄野之駕塗山之會皆能焜耀簡籍垂於方來仰惟

皇上當位作聖首出建極君師之統千禩一時乃猶屈已求賢虛懷訪道廣廈細旃之上誦吟冊書潛神討研宵旦不輟勤踰儒素遐稽統緒嚮往孔子思致殊禮肇盛典者久矣今茲萬國既同文化懋興宜遂以時宣省風教展義魯邦下塞衆望皇上凝睿思延廷問久之廼

詔曰事

先師禮重且嚴惟茲二三輔弼暨廷臣之嫻於制者采擇古誼以聞又

詔曰汝廷敬實惟予舊講臣其與議所宜行臣從諸臣後議具上皇帝曰俞朕慕聖道敬因東巡狩詣

先師宅里其毋重煩吾民供億於是肆

赦軫農放稅已責弘敷愷澤於天下然後乃歷吉日協靈辰野廬警路宮正設蹕

玉輿曉升

帷殿夕御前驅朱旗屬車日羽以臨乎岱宗是時未臻乎闕里也飛旆淮江觀民設教月屆黃鐘旋軫南陸聿來

聖居覽觀林廟圖書器物之盛嚴恭將事樂奏禮行光景盱眙

聖歆如答

臣廷敬

向以儒學猥蒙擢任又特被

勅旨議禮恭睹禮成不勝歡忭震躍伏而思曰前代之崇禮者可紀矣太牢特祀肇自西京褒成祿將爰及東漢貞觀定朝會之儀開元錫文宣之號器物之賜渥於廣順陪位之班詔始祥符至和加衍聖之稱承安世曲阜之令皆名爲崇儒重道而備物致誠忘勢而希至德惟我

皇上爲列辟稱首

臣

以淺識窺較萬世師表之稱則與乾坤同其

悠久也六經表章之澤則與日月並其光華也畱

鳳蓋於戟門車服禮器所未備也頌

龍章於鄉校普天率土所共瞻也

臣

謹拜手

稽首而獻頌曰

惟聖體道生民拔萃德踰位兮惟

帝則聖統一萬類位斯配兮

龍飛於天周覽八極嘉鳳德兮聖作物覩垂祀萬億視魯國兮

帝開明堂于羹于牆坐則見兮

帝會方岳東西南朔來殷薦兮

鑾車戾止鏘鏘穆穆金絲肅兮

駐蹕古亭雲霞委屬清泉瀉兮上公稽首籩豆奔走昭世守兮

暨四姓後博士童耆

恩滂厚兮

賜所過租歌騰於塗惠我人兮惟

帝福我我神其妥戴

大君兮莘莘髦士百爾濟濟頌聲起兮於赫

帝功與天比崇無終窮兮

聖駕臨幸闕里釋奠

先師恭紀

有序

刑部
尚書 張玉書

康熙二十有三年歲在甲子玉書承乏爲禮部侍郎會

朝廷稽古省方將有事於

闕里謹從廷臣後蒐討舊文參預末議比及冬十一月

乘輿自南旋軫渡淮入兗遂歷泉林抵曲阜詣

先師廟堂降節致虔禮明樂備復詣

孔林臨墓再拜遠近瞻仰莫不欣歎時

玉書

方屏伏堊廬未及

恭與陪扈迄丁卯夏以刑部尚書奉

命入京師從沂水紆道肅謁

聖廟廼獲聞

車駕臨幸隆儀異數之詳因得備觀

畱賜曲蓋及

御書廟額與

御製詩賦贊記之文

天章雲藻照曜宇宙載籍以來所未有也敬賦長句三十韻以志

盛典

子律新調景德昌干戈載戢惠風翔

宸鑾已陟天門迥時邁還經魯甸旁七萃旌髦臨

闕里八神警蹕匝平鄉班聯朱紫園橋盛羽葆丹青夾陛長肅

穆升階嚴北面拜稽當殿直中央詔定行三跪九叩禮衮旒佩飾彤

帷啟唐開元中追崇孔子以袞冕之服始用王者禮樂河海儀彤斗曜彰乾封中祝文天縱攸

高蘊河海犧象器存三代制漢元和中留犧象尊祭器宮軒樂具兩楹藏

渟泓渫井深涵澤井在詩禮堂後截臬奎文爛吐芒奎文閣在廟南杏繞古

壇濡雨露杏壇在殿廷前檜標孤幹老冰霜孔子手植檜高三丈有奇圍四尺在杏壇左側

燬於金貞祐苗於元至元自明弘治中復燬又歷二雲盤石百年不枯不榮其幹如鐵御製古檜賦勒石檜前

棟龍髻起大成殿九間殿前盤龍石柱日射觚稜鳥翼張掌故追探陳典

物心傳默契見羹牆崢嶸舊宅金絲壁金絲堂係魯壁遺址清切譚經

詩禮堂講筵設於詩禮堂勉孝勸忠宣諭渥賚衣加秩荷恩讓御講筵

畢宣制勗勉忠孝是日賜衍聖公以下裘服有差孔氏子孫進講者授以官鸞鈴更指塋林路祀廟

禮成卽幸孔林豹尾徐穿枯柏行洙泗合流川效瑞水經注洙泗二水交於魯城東

北尼防拱峙阜呈祥曲阜城東門日尼防聳翠上尊展酌低徊久駕於墓前酌

酒復行再拜禮

玉趾從容顧問詳駕周覽孔林詳問樹木及林址木辨土宜森異種樹多不知名皆當時

弟子各以其地所宜移植林內著鍾靈秀鬱奇香命衍聖公採著草進覽棲巢遠避禽

知敬孔林內鳥不結巢叢棘潛除草自芳後漢初闕里荆棘自闕守衛與祠增

卒史

漢卒史碑一名百戶碑衍聖公奏
今百戶乞由朝選 詔從所請 陪敦拓地永烝嘗林拓

地壹拾有壹
頃悉除額稅

詔留曲蓋輝車服

留曲柄織
於廟廷

詠叶宮聲戛徵商

御製五言律
詩一首 寶額

大書懸禹畫

萬世師表
四大字

穹碑矗立煥堯章

御製碑文並書碑
高一丈八尺廣

六尺五寸重七萬
觔立於金聲門右

特崇元聖親藩薦

遣恭親王祭 周公備
廟即魯太廟遺址

錄先儒奕葉光

周程張朱四子裔
先後俱授博士

盛事允應垂琬琰賡歌豈

直徧膠庠微臣近幄嘗趨講末學觀瀾但望洋真等醯雞窺

鳳德儻容樗朽向秋陽緬思縹筆窮終始

孔子感曾子孝行
以縹筆作孝經

獨抱韋編究否臧董教每慙耕讓畔祥刑仍藉禮爲防欣開

殷后三驅網

下詔
大赦

共贊虞廷五色裳所過賜租人樂愷

經過
地方

俱免
丁銀 有年多忝戶豐穰上元曆紀中天運帝道休明被八荒

東巡雅十三章

左都
御史 徐元文

上帝靈鑒貺我

皇清我

皇秉聖

三后邁成克誠九區交暘六英美我

皇度翼翼明明

維歲甲子冬日載融

皇時省方屆於大東

鑾輅雷野芝旂翳空清濟漸車靈嶽望風

我我靈嶽表鎮日岱馳走百神苞并萬態陋彼升封虞柴是配

登覽雲物鬱何靄靄洪河決漭長江蕩潏龍艦星移及吳之域惠彼小民湛我

皇德還

御六虬袞服是卽

陪尾之陽四源交瀉水哉水哉不舍晝夜

皇過川上神契元化瞻望闕里僕臣趣駕

麟蹤既邈鳳德何長教澤弘衍翊我

聖皇萬乘至止

夫子之鄉章縫迎路簪黻升堂

於赫

夫子濯濯厥靈肅將苾芬祀事孔明鬱鬯龍勺象彝犧尊八音

克諧羣后駿奔

寢宮轡轡

夫子所憇

皇陟於庭探索琴佩芳颺猗蘭青浮鐵檜見於羹牆其容有睟

防阜之林百頃交陰異國珍產蔚爲同岑文楷輪囷以杖以

樽擎其叢著穆哉

皇心

穆哉

皇心更

御彫几爰

命毓圻秩爾孫子肆列組筵進講以次遺經再展

皇心燕喜

皇錫毓圻錦衣貂裘庭列曲蓋以饗春秋毓圻稽首

天子萬壽

皇詔毓圻保艾爾後

東野支封禽父是宗錫之冠帶以康周公兩聖作師文其在
茲敦儒闡道千載一時

惟星則煌惟雲則爛

聖藻光輝輝於天漢懋建有極登道之岸昭示萬邦如日斯旦

聖駕幸魯恭紀八律

禮部
待郎王澤弘

帝纂三皇統儒遵百世師後先原一揆授受若同時

特命汾陽駕遙臨闕里祠

聖君巡幸日萬世仰弘規

其二

漢祖經過後祥符設奠餘徒聞飛鳳詔無復駐鑾輿道合神
如接誠通禮不虛一心符往聖會見出圖書

其三

停輅懷先範撫衣入聖門

帝心惟執敬師道自常尊
六代絃歌在千秋俎豆存
聞知如覲面效法豈空言

其四

魯地畱遺墓欽崇亘古今
尼防迴障遠洙泗合流深
露浥叢著潤雲含古檜陰
攀條摘

睿藻如見聖人心

其五

不獨壇名杏兼看草是文
四時潛受氣五色爛披雲
聖主垂清問遐陬播異聞
應嗤大同殿三秀頌紛紛

其六

宸翰昭雲表先師萬古崇
鳳騫迴映日龍跳直擎空
篆刻頒天闕章縫仰泮宮
早知海內外文治樂同風

其七

啟聖推隆典姬公溯道源
三王兼盛業六學纘微言
北極崇時享東蒙等大藩
還聞四氏裔簪紱盡承

恩

其八

天縱遙相接心傳久不忘
一時興禮樂六合嚮膠庠
帝德河山著

宸章日月光臣工懽際會拜手慶垂裳

聖駕幸闕里頌

有序

禮部右侍郎 徐乾學

臣聞禮樂之祀百世不絕道藝之宗萬禩永守泗水松楸之地殿接靈光稷門絲竹之堂里通歸德玉弩載驚而後俎豆攸崇金書遞出以還牲牢無闕我

皇上以神聖之姿致雍熙之治兩階樂正簫韶昭秉歷之符三禮秩宗珪璧有成功之瑞山川協應日月光華用徵肆覲之儀遂舉時巡之典於時星紀司歷陽灰動管衙雲不散榮光竟天駐蹕之亭翼如講樹之壇旣掃

行宮停輦致享靈祠舊宅捫碑式瞻古殿徘徊乎萬仞陟降於

兩楹三獻告終六樂具舉智源溢涌文檜龍葱集四氏以加

恩進諸生而講藝爰揮

睿藻丕煥

宸章懸針垂露之書綴玉編珠之句雲霞標舉星日昭垂加以錦

綺紫裘綠函朱額

恩施至渥

賜賚有差至乃撤羽蓋之九旂畱諸殿寢損太倉之萬廩捐彼田租肅將公旦之祠徧秩羣賢之祀事有曠而特舉典無鉅而不修且夫褒揚至道洪業也崇禮先師上儀也

萬乘屈尊盛節也四方觀化極治也於以媿軌蹟於義農臻憲度

於韶夏含齒戴髮澤淳乎禮樂之中反踵貫胸匝洽乎詩書
之澤顯名榮號詎不懿哉

臣乾學

忝竊庸虛叨逢景烈違史

談從岱之願效吉甫頌周之忱謹拜手稽首而獻頌曰

防陰祥發泗水源分天垂黃玉神降丹文荒途典籍漆室邱
墳誰開雩霧實揭星雲大野窮麟幽宮走兎堂闕金絲坑銷
竹素燼滅江陵波沈底柱五厄頻遭六經非故非無顯德亦
有乾封祥符駐蹕建武臨雍三犧備具六樂春容治非極軌
禮故殊逢道以人弘聖由天授於鑠

熙朝洪惟我

后驅栗扶輪義軒挹袖樂御德車禮耕仁耨羹墻至道夢寐微言

登山卑垵觀海知源時

臨講席屢

幸橋門

皇情紆眷

聖意逾敦總攬前規旁參故禮議合容臺斷由綈几推策仲冬披

圖甲子秩於岱宗旋

臨闕里歲蕤豹尾颯沓龍旂千乘欲野萬騎斷流山寒樹直天闊

雲稠言停

翠蓋泣止華輶檜徑晨除杏壇夙設璧水鱗紋玉階肪截趨鎗五

氏森羅十哲祝史詞陳司筵籥潔爰觀綴兆乃奏和寧循墻

彌肅薦俎惟馨昔讀其書今陟其庭淵源一氣登假無形俯仰松楸徘徊榱桷展敬封塋還披

講幄孝先便便充宗嶽嶽同異相參精微互駁煌煌

典誥爛爛

奎章銀鈎飛動玉軸琳琅鳳觀虎臥鵲顧鸞翔輝流翠拱麗溢縹

緇惟茲羽葆實陳鹵簿

顧謂司儀畱諸殿廡有繡皆挾有栗斯雨

恩先四姓膏流萬戶大禮備矣

皇日旋歸雲迴黼帳風捲朱旂瞻言繡壤昔有衮衣蘋蘩

遣告靈爽斯依欽我

聖德巍乎鬱律義峯造天智源盪日登三爲四襲六而七小臣作

頌摛諸石室

聖駕幸闕里賦

有序

兵部侍郎張英

皇帝御極二十有三載重熙累洽區宇乂安文德覃敷聲教四訖

乃稽古時邁肇事岱宗謁祠闕里典禮崇重恩澤優深臣庶

懽欣遠邇嘉歎夫元和盛年咸平昌世僅奏六代之樂修再

拜之文猶垂式簡編流輝今古詎有遠

御六龍親詘

萬乘展隆儀於稽拜施殊敬於儒先

聖德顯隆如今日者焉洵足以超軼往牒焜耀前紀也

臣

辛際昌

時得瞻鉅典雖固陋謏劣不足以發揮鴻藻然珥筆承明職思紀載頌揚休媿敢曠司存謹拜手稽首而獻賦曰
於爍惟

皇繼序纂光本仁祖義昭憲考章奠玉衡於神軸握金鏡於天閭
調四氣以通正歛八風而協祥於是西踰細柳東跨扶桑交
河北徼比景南鄉靡不丹梯走傳碧海浮航輸琛太府隸名
職方耀幽遐以日月襲鱗介而衣裳越萬里以入贊重九譯
而來王是以化洽太和道隆邃古納九垓之管籥總堪輿之
局戶叅天地之清寧儷貞明之作觀文軌合而謠俗同跂喙
恬而草木庶軼埃壒而苞混茫駕羲軒而凌三五

天子乃高拱垂裳中央運斗容與義林優游書牖探珠淵之秘筌
陟玉山之高阜德蕩蕩以無名治熙熙而何有旣則冲然永
念穆然深思曰儀象肇啟道法昭垂寢明寢熾惟君惟師羣
聖一揆六經同歸王澤下竭頌聲式微孕星鈐於上瑞錫麟
紱於昌期毓龍蹲之至德挺鳳峙之殊姿集大成於千古闢
絕學於來茲溯平鄉之懿躅景闕里之崇規庶幾哉聞見可
接羹牆在斯舉時巡之隆典秩釋奠之隆儀爾乃乘大輅鑿
金鑣牽翠羽捎文虹屬車按節繁吹鳴笳七萃鱗附千官景
從馳道則五里十里旌門則一重再重集於泗水之上幸於
尼山之宮斯時也清羽司音初陽應律葭管煙霏芸房露苗

氣不慄以時寒序將周而朔易撫景物之澄鮮攬風雲之明
瑟旌旂捲而廣野回春

帳殿開而暮山凝色遂乃肇舉吉祀肅奉精禋春卿贊采祠官
眡牲朱火西蘊元酒東陳嘉籩廣豆豐粢潔盛振羽籥之六
舞合咸英之九成薦祝號之明信導神絃之降迎穆穆

宸容靡靡天緯殊禮展謁隆文錫賚覲靈爽之長存儼哲人之如
在感神契以潛孚體道真而昭對洋洋乎優優乎與珠庭月
角授受於千載之間玉節金鏗酬答於一堂之內也威儀告
竣禮度有嚴登堂入奧規周矩還瞻聖里之岷嶧憇廣庭之
靜便布兩楹以翼聳峙雙闕以星懸藉杏壇之修蔭挹璧池

之素漣偃息於道德之府溯泳於圖書之淵於是芝蓋重葩
龍旂曲柄貴儼一人尊侔萬乘述素王之嘉贊發五言之

睿詠海嶽遜其高深星雲並其輝映斯則

聖天子蘊道之淳風崇儒之殊敬也簪纓陪位衿佩圓橋長裾霧
會仙組雲影始橫經以讐問旋拊石而吹匏誦遺言於姬孔
沐雅化於唐姚禮讓之容咸近光於黎獻豈弟之澤庶作人
於譽髦斯則

聖天子風聲之四訖文治之丕昭也曲阜名區魯原舊聚陪敦土
田復除繇賦增講肄之常員沛匪頒之異數推恩則徧及師
儒錫爵則旁流支庶五經博士不遺凡蔣之封九命上公奚

營褒成之胙斯則

聖天子崇德之盛心興賢之弘務也於是采甸侯衛公卿大夫期門式道執戟荷戈文學掌故之士垂髫戴白之徒縱觀典禮踰濟天衢涵濡化澤屬厭道腴旣雀躍而抃舞亦鳬藻而懽愉萬人一口聲滿公車惟我

后之東巡脩百王之令式答珍貺於三靈聽衢謠於百室却瓊檢以勿祈屏銀繩而詎飾騶從清嚴儀文簡質吏不譏訶民無供億協時正律埒虞氏之省方納賈陳詩儷姬王之述職旣陟山以哀對還翕河而問俗採晉陽之舊歌晞榮光之新燭朝宗滙江漢之波玉帛奉塗山之錄非漢日之舉菱乃堯年之刻玉若乃慶惠殷流湛

恩四周給租賜帛省刑釋囚虛衷

清問博延廣諏如天光之下霽亦露濃之上浮始汪濊於五土旋齋淪於九州今又茂明至道導揚正學虎炳龍章金追玉琢浴我以詩書弘我以禮樂盛德登閔大猷輝卓愼六合而被英莛鼓八紘而排氛濁誠振古之隆規開天之偉畧也

天子方且回輿京室倚佩軒墀道岸先陟德契自持庀政考業基命勅幾辨色以臨

黼黻視夜而啟彤帷定仁義中正之極稽因革損益之宜不解氷淵之念彌勤軺鐸之思所以泰階順軌乾策迎禧上理隆

洽茂化雍熙治方侔於砥屬俗已進於循蜚四海壽康怡於
鵲居之代萬年鼎祚輦於鰲極之儀

幸魯恭紀

刑部
尚書
王士徵

徂徠松下路五色遶龍雲階近停雕輦堂深護寶熏

天心歸

至聖

宸藻映斯文明水尊彝泛祥烟玉帛焚冠裳千國擁韶濩八音聞
絕業尋秦漢微言貫典墳土田宏錫予草木解歡欣東魯鵷
行末傾葵戴

聖君

皇帝釋奠於闕里頌

有序

內閣
學士
彭孫通

臣聞三才懋建作極者惟皇六位時成亶聰者惟后故有禮
樂刑政以爲宰世之權有仁義中正以爲綏猷之準自河洛
苞符以後暨帝皇禪繼之年莫不兼作君師總司治教龍章
觀象卽開道法之宗鳳展當陽迭啟見聞之緒皇皇乎郁郁
乎斯無得而喻也周德旣衰典章攸斁夏正歸藏之學溯二
代而無徵緝熙執競之心歷數傳而寢晦於是玉麟授簡洩
天瑞於素王珠緯儲精吐靈徵於元聖秉覺民之木鐸握定
世之珍符繫易象而作春秋刪詩書而正禮樂王事備天德
明軌則咸昭彝倫式敘蓋九皇之軌躅獨萃平鄉七聖之源

山東通志
卷之十一
三
流同歸泗水矣兩楹告夢諸子襍興正學衰微羣言淆亂非
無英君誼辟恢大業於方新學士大夫探微言於將墜而道
風猶鬱治化未醇然則代閱千年緒分百氏而欲六五帝四
三王闢虬圖攬鳳德使景星慶靄暉麗于中天玉節金聲鏗
鉤于終古自非聖人而在天子之位其道無由也

皇帝纂述丕基撫定方域聰明睿智質直於生知文武聖神德全
乎廣運天策內攄而八紘風動威弧外指而六合雲行

黼幄澄懷則

宸鏡徹圖書之蘊彤泥發檢則

奎章摘日月之華溫瑟而協氣同流垂裳而兆人自理大猷升矣



